

阿舍經校注

增一阿舍經

Ⓣ

恒強◎校注

綫裝書局

往返人間能制身心
勤修善行女
詳雜阿舍經卷第十三
夫四

阿含經校注

增一阿含經

Ⓣ

恒強校注

綫裝書局

图书在版编目 (CIP) 数据

增一阿含经：全2册/梁踔继校注. —北京：
线装书局，2012. 12

(阿含经校注/恒强，梁踔继主编)

ISBN 978 - 7 - 5120 - 0750 - 5

I. ①增… II. ①梁… III. ①阿含 IV. ①B942. 2

中国版本图书馆 CIP 数据核字 (2012) 第 264158 号

阿含经校注·增一阿含经

作 者：梁踔继 校注

责任编辑：杜 语

出版发行：线装书局

地 址：北京市西城区鼓楼西大街41号 (100009)

电 话：010 - 64045283 64041012

网 址：www. xzhbc. com

经 销：新华书店

印 刷：三河市杨庄镇明华印装厂

开 本：710 × 1000mm 1/16

印 张：53. 5

字 数：876千字

版 次：2012年12月第1版第1次印刷


印 数：0001—5000册

定 价：480.00元 (全9册)



目 录

增一阿舍经卷第二十五	409
五王品第三十三	409
增一阿舍经卷第二十六	431
等见品第三十四	431
增一阿舍经卷第二十七	457
邪聚品第三十五	457
增一阿舍经卷第二十八	470
听法品第三十六	470
增一阿舍经卷第二十九	487
六重品第三十七之一	487
增一阿舍经卷第三十	499
六重品第三十七之二	499
增一阿舍经卷第三十一	514
力品第三十八之一	514
增一阿舍经卷第三十二	530
力品第三十八之二	530
增一阿舍经卷第三十三	546
等法品第三十九	546
增一阿舍经卷第三十四	567
七日品第四十之一	567
增一阿舍经卷第三十五	584
七日品第四十之二	584
莫畏品第四十一	591
增一阿舍经卷第三十六	600
八难品第四十二之一	600





增一阿舍经卷第三十七	612
八难品第四十二之二	612
增一阿舍经卷第三十八	625
马血天子问八政品第四十三之一	625
增一阿舍经卷第三十九	637
马血天子品第四十三之二	637
增一阿舍经卷第四十	651
九众生居品第四十四	651
增一阿舍经卷第四十一	664
马王品第四十五	664
增一阿舍经卷第四十二	681
结禁品第四十六	681
增一阿舍经卷第四十三	698
善恶品第四十七	698
增一阿舍经卷第四十四	710
十不善品第四十八	710
增一阿舍经卷第四十五	721
不善品第四十八	721
增一阿舍经卷第四十六	732
放牛品第四十九	732
增一阿舍经卷第四十七	750
放牛品第四十九	750
增一阿舍经卷第四十八	768
礼三宝品第五十	768
增一阿舍经卷第四十九	788
非常品第五十一	788
增一阿舍经卷第五十	808
大爱道般涅槃品第五十二	808
增一阿舍经卷第五十一	820
大爱道般涅槃分品第五十二	820





增一阿含经卷第二十五

五王品第三十三

二八八

闻如是：

一时，佛在舍卫国祇树给孤独园。

尔时，五大国王波斯匿为首，集在园观之中，各作此论。云何为五王？所谓波斯匿王、毗沙王、优填王、恶生王^①、优陀延王。

尔时，五王集在一处，各作此论：“诸贤当知，如来说此五欲。云何为五？若眼见色甚爱敬念，世人所希望；若耳闻声、鼻嗅香、舌知味、身知细滑。如来说此五欲。此五欲中何者最妙？为眼见色妙耶？为耳闻声妙耶？为鼻嗅香妙耶？为舌知味妙耶？为身知细滑妙耶？此五事何者为最妙？”

其中或有国王而作是说：“色最为妙。”或有作是论：“声最为妙。”或有作是论：“香最为胜。”或有作是论：“味最为妙。”或有作是论：“细滑为最胜。”

是时，言色妙者，优陀延王之所论也。言声妙者，优填王之所论也。言香妙者，恶生王之所论也。言味妙者，波斯匿王之所论也。言细滑妙者，毗沙王之所论也。是时，五王各相谓言：“我等共论此五欲，然复不知何者为妙？”

是时，波斯匿王语四王曰：“今如来近在舍卫国祇树给孤独园，我等尽共至世尊所，问斯义；若世尊有所教敕，当共奉行。”

^① 恶生王：即琉璃王。



是时，诸王闻波斯匿王语已，便共相将至世尊所，头面礼足，在一面坐。是时，波斯匿王以所共论五欲者，具白如来。

尔时，世尊告诸五王曰：“诸王所论各随时宜。所以然者，夫人性行染^①著色者，睹无厌足，此人于色最妙、最上，无复过者。尔时，彼人不著声、香、味、细滑之法，五欲之中色为最妙。

“若复有人性行著声，彼闻声已，极怀欢喜而无厌足，此人于声最妙、最上，五欲之中声最为妙。

“若复有人性行著香，彼闻香已，极怀欢喜而无厌足，此人于香最妙、最上，五欲之中香最为妙。

“若复有人性行著味，彼知味已，极怀欢喜而无厌足，此人于味最妙、最上，五欲之中味最为妙。

“若复有人性行著细滑，彼得细滑已，极怀欢喜而无厌足，此人于细滑最上、最妙，五欲之中细滑最为妙。

“若复彼人心以著色，尔时彼人不著声、香、味、细滑之法；若复彼人性行著声，尔时彼人不著色、香、味、细滑之法；若复彼人性行著香，尔时彼人不著色、声、味、细滑之法；若复彼人性行著味，尔时彼人不著色、声、香、细滑之法；若复彼人性行著细滑，尔时彼人不著色、声、香、味之法。”

是时，世尊便说此偈：

“欲意炽盛时，所欲必可克；

得已倍欢喜，所愿无有疑。

彼以得此欲，贪欲意不解；

以此为欢喜，缘之最为妙。

若复听声时，所欲必可克；

闻已倍欢喜，所愿无有疑。

彼以得此声，贪之意不解；

以此为欢喜，从之最为妙。

若复嗅香时，所欲必可克；

嗅已倍欢喜，所欲无有疑。

① 染：高丽藏原作“深”，今依据宋、元、明、圣四种藏经改。



彼以得此香，贪之意不解；
以此为欢喜，从之最为妙。
若复得味时，所欲必可克；
得已倍欢喜，所欲无有疑。
彼以得此味，贪之意不解；
以此为欢喜，从之最为妙。
若得细滑时，所欲必可克；
得已倍欢喜，所欲无疑难。
彼以得细滑，贪之意不解；
以此为欢喜，从之最为妙。

“是故，大王！若言色妙者，当平等论之。所以然者，于色有气味^①，若色无味者，众生终不染著；以其有味故，五欲之中色为最妙。然色有过失^②，若当色无过失，众生则无厌患；以其有过失故，众生厌患之。然色有出要，若当色无出要者，此众生类不得出生死之海；以其出要故，众生得至无畏涅槃城中。五欲之中色为最妙。

“然复，大王！若言声妙者，当平等论之。所以然者，于声有气味故，若声无味者，众生终不染著；以其有味故，五欲之中声为最妙。然声有过失，若当声无过失，众生则无厌患；以其有过失故，众生厌患之。然声有出要，若当声无出要者，此众生类不得出生死之海；以其出要故，众生得至无畏涅槃城中。五欲之中声为最妙。

“大王当知，若言香妙者，当平等论之。所以然者，于香有气味故，若香无气味者，众生之类终不染著；以其有味故，五欲之中香为最妙。然香有过失，若香无过失者，众生则不厌患；以其有过失故，众生厌患之。然香有出要，若当香无出要者，此众生类不得出生死之海；以其出要故，众生得至无畏涅槃城中。五欲之中香为最妙。

“然复，大王！若言味妙者，当平等论之。所以然者，于味有气味故，若味无气味者，众生之类终不染著；以其有气味故，五欲之中味为最妙。然味有过失，若当味无过失者，众生则不厌患；以其有过失故，众生厌患

① 气味：译为“味”更贴切。本经下同。

② 过失：即过患。本经下同。



之。然味有出要，若当味无出要者，此众生类不得出生死之海；以其出要故，众生得至无畏涅槃城中。五欲之中^①味为最妙。

“然复，大王当知，若^②言细滑妙者，当平等论之。所以然者，于细滑有气味，若细滑^③无气味者，众生之类^④终不染著；以其有味故，五欲之中细滑为最妙。然细滑有过失，若细滑无过失者，众生之类则不厌患之；以其有过失故，众生厌患之。然细滑有出要，若当细滑无出要者，此众生类不得出生死之海；以其出要故，众生得至无畏涅槃城中。五欲之中细滑为最妙。是故，大王！所乐之处，心即染著。如是，大王！当作是知！”

尔时，五王闻佛所说，欢喜奉行！

二八九

闻如是：

一时，佛在舍卫国祇树给孤独园。

尔时，舍卫城中有月光长者，饶财多宝，象马七珍皆悉备具，金、银、珍宝不可称计。然月光长者无有儿息。尔时，长者以无儿故，求祷天神，请求日、月、天神、地神、鬼子母、四天王、二十八鬼神^⑤王、释及梵天、山神、树神、五道之神、树木、药草，靡处不周，皆悉归命，见赐一男儿。

尔时，月光长者妇经数日中便自怀妊，即语长者^⑥：“我自觉有娠。”长者闻已，欢喜踊跃，不能自胜；即与夫人敷好床座，食好甘食，着好衣裳。

是时，夫人经八、九月，便生男儿，颜色端正，世之希有，如桃华色。是时，此儿两手执无价摩尼珠^⑦。即时，便说此偈：

“此家颇有财，宝物及谷食；

我今欲惠施，使贫无有乏。

① 五欲之中：高丽藏原无此四字，今依据宋、元、明三种藏经补上。

② 若：高丽藏原无此字，今依据宋、元、明三种藏经补上。

③ 有气味若细滑：高丽藏原无此六字，今依据宋、元、明三种藏经补上。

④ 之类：高丽藏原无此二字，今依据宋、元、明三种藏经补上。

⑤ 鬼神：高丽藏原作“神鬼”，今依据宋、元、明三种藏经改。

⑥ 者：此字之后，高丽藏原有“我自怀妊即语长者”八字，为衍文，今依据宋、元、明三种藏经删去。

⑦ 摩尼珠：宝珠。





若此无物者，财宝及谷食；
今有无价珠，常用惠施人。”

是时，父母及家中人闻此语已，各各驰走：“云何乃生此鬼魅种？”唯有父母哀愍儿故，不东西驰走。即时，母向儿说此偈：

“为天乾沓和，鬼魅及罗刹；
是谁姓字何？我今欲知之！”

是时，小儿复以偈报母曰：

“非天乾沓和，非鬼魅罗刹；
我今父母生，是人不足疑！”

是时，夫人闻此语已，欢喜踊跃，不能自胜；以此因缘，尽向月光长者说是语。

时，长者便作是念：此将是何缘？我今当以此事向尼犍子^①说；即抱此儿诣尼犍子所，头面礼足，在一面坐。是时，月光长者以此因缘具向尼犍子说。时，尼犍子闻此语已，告长者曰^②：“此儿薄福之人，无益于身，当取杀之；若不杀者，门户衰耗，皆当死尽。”

是时，月光长者作是思惟：我前后来无有儿息，由此因缘，请求天地，无处不遍，乃经历尔许年岁，方生此儿，我今不堪取此儿杀；当更问余沙门、婆罗门，令断我疑。

尔时，如来成佛未久，众人称号名大沙门。是时，月光长者便作是念：我可以此^③因缘，具向大沙门说之。是时，长者即从座起，抱此儿往诣世尊所；中道复作是念：今有长老梵志，年过耆艾^④，聪明黠慧，众人所敬待，彼尚不知、不见，况此沙门瞿昙，年少学道未久，岂能知此事乎！将恐不解吾疑，我今宜可中道还家。

是时，有天神昔与长者知旧^⑤，知长者心中所念，在虚空中而告之曰：“长者当知，小可前进，必当获利，得大果报，亦当至甘露之处。如来出世

① 尼犍子：又作尼犍子、尼犍若提子、尼乾子、尼犍陀若提子，意为离系亲子，苦行外道，耆那教之中兴祖师，认为苦行能清净身心、导入解脱。

② 曰：高丽藏原无此字，今依据宋、元、明三种藏经补上。

③ 此：高丽藏原无此字，今依据宋、元、明三种藏经补上。

④ 耆艾：指六十岁以上的年龄。

⑤ 知旧：即旧交。



甚为难遇，如来降甘露雨，时时乃有。又复，长者！有四事最小不可轻。云何为四？国王虽小最不可轻；火虽小亦不可轻；龙虽小复不可轻；学道之人虽复年幼亦不可轻。是谓，长者！有此四事最不可轻。”

是时，天神便说此偈：

“国王虽复小，斩害由其法；

小火虽未炽，焚烧山草木；

神龙虽现小，降雨随时宜；

学者年幼稚，度人无有量。”

尔时，月光长者心开意解，欢喜踊跃，不能自胜；即前进至世尊所，头面礼足，在一面坐；以此因缘，具白世尊。

尔时，世尊告长者曰：“今此小儿极有大福，此小儿若当大者，当将五百徒众来至我所，而出家学道得阿罗汉，我声闻中福德第一，无能及者。”

是时，长者闻此语已，欢喜踊跃，不能自胜，白世尊言：“如世尊教，非如尼犍子^①语。”是时，月光长者重白世尊：“唯愿受请及比丘僧并，愍此小儿！”

尔时，世尊默然受请。时，长者以见默然受请，即从座起，头面礼足，便退而去；还至家中，供办种种甘饌饮食，敷好坐具；清旦自白：“时到，唯愿降神！”

是时，世尊以知时到，将诸比丘，前后围绕，入舍卫城，至长者家，即就于座。是时，长者见佛、比丘僧坐已定，即办种种饮食，自手斟酌，欢喜不乱；以见食竟，除去钵器，行清净水，更取小座，如来前坐，欲得闻佛所说妙法。是时，月光长者白世尊言：“我今持居家田业尽与此儿，唯愿世尊当与立名！”

世尊告曰：“此儿生时，人皆驰走东西，云是尸婆罗鬼，今即立字名^②尸婆罗。”

尔时，世尊渐与长者及长者妇而说妙论，所谓论者：施论、戒论、生天之论，欲不净想，漏为大患，出要为妙。尔时，世尊以见长者及长者妇，

① 尼犍子：即尼犍子。

② 名：高丽藏原无此字，今依据宋、元、明三种藏经补上。



心开意解，无复狐疑，诸佛世尊常所说法：苦、集^①、尽、道，是时世尊尽与长者说之，令发欢喜之心。长者夫妇即于座上，诸尘垢尽，得法眼净。犹如新白氈易染为色，是时，长者夫妇亦复如是，即于座上得法眼净；彼以见法，分别诸法，以度犹豫，无复狐疑，得无所畏，解如来深奥之法，即受五戒。

尔时，世尊便说此偈：

“祠祀火为上，诸论颂为首；
王为人中尊，海为众流源；
月为星中明，日为众明最；
八方及上下，所生万品物；
欲求其福者，三佛最为尊！”

尔时，世尊说此偈已，即从座起而去。

是时，长者求五百童子，使侍卫尸婆罗。是时，尸婆罗年向二十，往至父母所，白父母言：“唯愿二尊许使出家学道！”

尔时，二亲即便听许。所以然者，世尊先以记之：当将五百童子至世尊所，求作沙门。是时，尸婆罗及五百人礼父母足，便退而去；至世尊所，头面礼足，在一面立。尔时，尸婆罗白世尊言：“唯愿听许，得在道次！”

是时，世尊即便听许使作沙门。未经几日，便成阿罗汉，六通清彻，具八解脱^②。是时，五百童子前白佛言：“唯愿世尊听作沙门！”世尊默然可之，出家未经几日，便成阿^③罗汉。

尔时，尊者尸婆罗还在舍卫国本邦之处，众人敬仰，得四事供养：衣被、饮食、床褥卧具、病瘦医药。是时，尊者尸婆罗便作是念：我今在此本邦之中，极为烦闹，今可在人间游化。是时，尊者尸婆罗到时，着衣持钵，入舍卫城乞食；乞食已，还诣所止，收摄坐具，着衣持钵，出祇桓精舍，将五百比丘，前后围绕，在人间游化；所至到处，无不供养者，皆供

① 集：高丽藏原作“习”，今依据元、明二种藏经改。

② 八解脱：又作八背舍、八胜解，即：一、内有色想观诸色解脱，二、内无色想观外色解脱，三、净解脱，四、超诸色想入空无边处解脱，五、超一切空无边处人识无边处解脱，六、超一切识无边处人无所有处解脱，七、超一切无所有处人非想非非想处解脱，八、超一切非想非非想处人想受灭解脱。

③ 阿：高丽藏原无此字，今依据宋、元、明三种藏经补上。



给衣被、饮食、床褥卧具、病瘦医药。复有诸天告诸村落：“今有尊者尸婆罗，得阿罗汉福德第一，将五百比丘，在人间游化，诸贤可往供养；今不去者，后悔无益！”

是时，尊者尸婆罗便作是念：今甚厌患此供养，当何处避之，令人不知吾处？是时，即入深山之中。诸天复在村落间，各各告曰：“今尊者尸婆罗在此山中，可往供养；今不为者，后悔无益！”是时，人民闻天语已，即负饮食，往诣尊者尸婆罗所：“唯愿尊住，为我等故！”

是时，尸婆罗渐渐人中游化，来至罗闾城迦兰陀竹园所，与大比丘众^①五百人俱，亦得供养衣被、饮食、床褥卧具、病瘦医药。时，尸婆罗复作是念：我今向在何处夏坐，令人不知吾处？复重作是^②念：当在耆闍山^③东，广普山^④西，于中夏坐。即将五百比丘，在彼山中而受夏坐。

是时，释提桓因知尸婆罗心中所念，即于山中化作浮图^⑤，园果树木皆悉备具，周匝有浴池；化作五百高台，复化作五百床座，复化作五百小床座，复化作五百绳床；以天甘露而食之。是时，尊者尸婆罗便作是念：我今已夏坐讫，不见如来甚久，今可往亲觐世尊。即将五百比丘，往舍卫城。尔时盛热，比丘众皆悉汗出，污染身体。

是时，尊者尸婆罗作是念：今日比丘众身体极热，得少许云在上及细雨者，甚是佳事；值小浴池及得少浆。以生此念，即空中有大云，及作细雨，亦有浴池。有四非人负好甘浆：“毗沙门王所遣，唯愿尊者受此甘浆，及施比丘僧！”

尔时，受此浆已，与比丘僧使饮之。

尔时，尸婆罗复作是念：我今可在此间止宿。是时，释提桓因知尸婆罗心中所念，即于道侧，化作五百房舍，床卧备具。是时，诸天奉上饮食，尸婆罗食讫，即从座^⑥起而去。

① 众：高丽藏原无此字，今依据宋、元、明三种藏经补上。

② 是：高丽藏原无此字，今依据宋、元、明三种藏经补上。

③ 耆闍山：又作耆闍崛山，意译为灵鹫山、灵山，位于中印度摩揭陀国王舍城的东北侧，为著名的佛陀说法圣地。

④ 广普山：又作毗富罗山，意为方山或大山，为中印度摩揭陀国王舍城五山之一，位于中印度旧王舍城之东北。

⑤ 浮图：寺庙。

⑥ 座：高丽藏原作“坐”，今依据宋、元、明三种藏经改。





尔时，尊者尸婆罗叔父在舍卫城内住，饶财多宝，无所短乏；然复慳贪，不肯布施，不信佛、法、众，不造功德。是时，诸亲族语此人曰：“长者！用此财货为？然复不作后世资^①粮。”

尔时，彼长者闻此语已，一日之中以百千两金布施与外道梵志，不向三尊。

是时，尊者尸婆罗闻叔父以百千两金施与外道异学，不布施与三尊。是时，尊者尸婆罗往诣祇洹精舍，至世尊所，头面礼足，在一面坐。尔时，世尊与尸婆罗说微妙之法。是时，尊者尸婆罗从如来闻法已，即从座^②起，礼世尊足，右绕三匝，便退而去。

是时，尊者尸婆罗即其日，着衣持钵，入舍卫城乞食，渐渐往诣叔父家；到已，在门外默然立。是时，长者见尊者尸婆罗在门外乞食，即语之曰：“汝昨日何故不来？我昨日以百千两金惠施，我可以一张氍，持用施卿。”

尸婆罗对曰：“我今不用氍为，今日来者，故乞食耳！”

长者对曰：“我昨日以用百千两金惠施，更不能复惠施。”

是时，尊者尸婆罗欲得度长者故，便飞在空中，身出水火，坐卧经行，随意所造。是时，长者见此变化已，便作是说：“可还来下就坐，今当相施。”

是时，尊者尸婆罗即舍神足，寻来就坐。是时，彼长者以弊恶饮食极为粗涩^③，与尊者尸婆罗使食之。是时，尊者尸婆罗生长豪家，饮食自恣，但以彼长者故，而受此食，便取食之。是时，尊者尸婆罗食讫，还诣所在。

即其夜，虚空神天来语长者曰：

“善施极大施，乃与尸婆罗；

无欲以解脱，爱断以无疑。”

夜半、清旦二时说此偈：

“善施极大施，乃与尸婆罗；

无欲以解脱，爱断以无疑。”

① 资：高丽藏原作“遗”，今依据宋、元、明三种藏经改。

② 座：高丽藏原作“坐”，今依据宋、元、明三种藏经改。

③ 涩：高丽藏原作“丑”，今依据宋、元、明三种藏经改。



是时，长者闻天人语，便作是念：我昨日以百千两金施与外道，乃无此应；我今日以弊恶食施与尸婆罗，乃致此应。何时当晓？自当以百千两金施与^①尸婆罗。是时，长者即其日检校家中，有直百千两金者，即持诣尸婆罗所；到已，头面礼足，在一面住。尔时，长者以百千两金，奉上尸婆罗，并作是语：“唯愿受此百千两金！”

是时，尊者尸婆罗报曰：“当使长者受福无穷，长寿自然。然复如来不许比丘受百千两金。”

是时，长者便往至世尊所；到已，头面礼足，在一面坐。尔时，彼长者白世尊言：“唯愿世尊使尸婆罗比丘受此百千两金，使我蒙其福！”

尔时，世尊告一比丘：“汝往至尸婆罗比丘所，云吾唤卿。”

比丘对曰：“如是，世尊！”是时，彼比丘从佛受教，即往至彼尸婆罗所，以如来语而告之。

是时，尊者尸婆罗承彼比丘语，即往至世尊所，头面礼足，在一面坐。尔时，世尊告尸婆罗曰：“汝今可受此长者百千两金，使蒙其福，此是宿缘之业可受其报。”

尸婆罗对曰：“如是，世尊！”

是时，尊者尸婆罗即时而说达嚩：

“施衣及余物，欲求其福德；

往至天世人，五乐自娱乐。

从天至人中，度有无疑难；

涅槃无为处，诸佛之所乐。

施惠无难者，蒙此获福佑；

当起慈惠心，作福无有懈。”

是时，尊者尸婆罗语长者言：“可持此百千两金，着我房中。”尔时，长者承受其教，持此百千两金，着尊者尸婆罗房中，便退而去。

是时，尸婆罗告诸比丘：“诸有所乏者，来至此而取之，若复须衣被、饮食、床敷卧具、病瘦医药，皆来取之，勿在余处而求之也，展转相告令知之。”

是时，众多比丘白世尊言：“此尸婆罗昔作何福，生长者家，端正无

^① 与：高丽藏原无此字，今依据宋、元、明三种藏经补上。



双，如桃花色？复作何福，两手捉珠出母胎中？复作何福，将五百人，诣如来所，出家学道，值如来世？复作何福，所至到处，衣食自然无所短乏，余比丘无能及者？”

尔时，世尊告诸比丘：“过去久远九十一劫，有佛号毗婆尸^①如来、至真、等正觉、明行成为、善逝、世间解、无上士、道法御、天人师，号佛、世尊，出现于世，游在槃头国界，与六十万八千众俱。四事供养：衣被、饮食、床敷卧具、病瘦医药。

“尔时，有梵志名曰耶若达，住彼土界，饶财多宝：金银、珍宝、车渠、玛瑙、真珠、琥珀，不可称计。是时，耶若达出彼国界，往至毗婆尸如来所；到已，共相问讯，在一面坐。是时，毗婆尸如来渐与说法，便发欢喜之心。是时，耶若达白毗婆尸如来：‘唯愿当受我请，欲饭佛及比丘僧！’是时，如来默然受请。耶若达梵志以见世尊默然受请，即从座起，绕佛三匝而去；至家中办种种甘饌饮食。

“是时，耶若达夜半便作是念：我今已办种种饮食，唯无有^②酪；明日清旦当往城门中，其有卖酪者，尽当买之。是时，耶若达清旦敷好坐具，寻复诣城门中求酪。

“当于尔时，有放牛人持酪，名尸婆罗，欲往祠祀。是时，耶若达梵志语放牛人曰：‘卿酪卖者，吾当与价。’尸婆罗报曰：‘我今欲祠祀。’婆罗门报曰：‘汝今祀天为何所求？但卖与我，当重顾价。’放牛人报曰：‘梵志！今用酪为？’梵志报曰：‘我今请毗婆尸如来及比丘僧；然饮食尽办，唯无有酪。’是时，尸婆罗问梵志曰：‘毗婆尸如来者，为何等相貌？’梵志报曰：‘如来者，无与等，戒具清静，慧、定三昧不可及，天上、人中无能及者。’

“是时，耶若达梵志叹说如来之德，尸婆罗闻已心开意解。是时，尸婆罗语梵志曰：‘我今躬持此酪往施如来，复用祀天为？’是时，耶若达梵志将此放牛人往至家中；往诣佛所^③，即白：‘时到，今正是时，唯尊屈顾！’

“时，如来以知时到，着衣持钵，将诸比丘，前后围绕，至耶若达梵志

① 毗婆尸：过去九十一劫前、人寿八万岁时出世之佛，于波咤厘树下成正觉。

② 无有：高丽藏原作“乏无”，今依据宋、元、明三种藏经改。

③ 往诣佛所：高丽藏原无此四字，今依据宋、元、明三种藏经补上。



家，各次第坐。是时，放牛人见如来容貌世之希有，诸根憊怕^①，有三十二相、八十种好庄严其身；亦如日月，犹如须弥山出众山上，光明远照，靡不蒙润；见已欢喜，便前进世尊所，而作是说：‘设当如来功德如梵志所论者，使此一瓶酪尽充众僧！’尔时，尸婆罗白世尊言：‘愿受此酪！’是时，如来即舒钵受酪，亦复与比丘僧，犹故有酪。

“尔时，放牛人白世尊言：‘今故有余酪。’时，如来告曰：‘汝今更持此酪施佛及比丘众。’时，放牛人对曰：‘如是，世尊！’是时，放牛人更重行酪，犹故遗余酪在。放牛人复白佛言：‘今故有遗余酪在。’是时，如来告此人曰：‘今可持此酪与比丘尼众、优婆塞、优婆夷众，使得充饱。’故有遗余酪在。尔时，佛语放牛人：‘汝今持此酪与檀越主人。’对曰：‘如是。’寻复与檀越主人，故有遗余酪在。复施与乞人贫匮者，亦有遗余酪在。来白佛言：‘故有遗余酪在。’时佛告曰：‘今持此酪，泻着净地，若着水中。所以然者，我不见有人、天及世能消此酪者，唯除如来。’放牛人即受佛教，持此酪而着水中；寻时，水中大火炎出，高数十仞。

“是时，放牛人见此变怪已，叹未曾有；还至世尊所，头面礼足，叉手而住，复作此誓愿：‘今持此酪施与四部之众，设当有福德者，缘此福佑，莫堕八难之处，莫生贫匮之家，所生之处，六情完具，面目端正；亦莫在家，使将来之世亦值如此圣尊。’

“比丘当知，三十一劫复有佛名式诘如来^②，出现于世。是时，式诘如来游化于野马世界，与大比丘十万人俱。是时，式诘如来到时，着衣持钵，入城乞食。时，彼城中有大商客，名曰善财，遥见式诘如来诸根寂静，容貌端正，有三十二相、八十种好庄严其身，面如日月；见已，便发欢喜之心，前至世尊所，头面礼足，在一面坐。尔时，贾人以好宝珠，散如来上，现其微心，普作誓愿：‘持此功德所生之处，饶财多宝，无所乏短，无令手中有空缺时，乃至母胞胎中亦使不空。’

“于此劫中复有毗舍罗婆^③如来、至真、等正觉、明行成为、善逝、世间解、无上士、道法御、天人师，号佛、世尊。尔时，有长者名善觉，饶

① 憊怕：又作澹泊，即恬静寡欲。

② 式诘如来：即尸弃如来。

③ 毗舍罗婆：又作毗舍婆、毗舍浮、毗湿波浮，过去七佛之第三位，过去三十一劫前、人寿六万岁时出世之佛，于娑罗树下成道。